



Na osnovu člana 22 Statuta Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj 2/10 – prečišćeni tekst), Skupština Brčko distrikta Bosne i Hercegovine na 54. redovnoj sjednici održanoj 17. januara 2024. godine, usvaja

ZAKON
O IZMJENAMA ZAKONA O POLICIJSKIM SLUŽBENICIMA
BRČKO DISTRIKTA BOSNE I HERCEGOVINE

Član 1

U Zakonu o policijskim službenicima Brčko distrikta Bosne i Hercegovine („Službeni glasnik Brčko distrikta Bosne i Hercegovine“, brojevi: 18/20 – prečišćeni tekst i 6/23) član 53 mijenja se i glasi:

„Član 53

(Utvrdjivanje radnih mjesta za zapošljavanje policijskih službenika)

(1) Šef Policije najmanje jednom godišnje ili po potrebi češće, u skladu s Pravilnikom o unutrašnjoj organizaciji i sistematizaciji radnih mjesta, odlukom utvrđuje radna mjesta za zapošljavanje policajaca i mlađih inspektora radi periodičnog zapošljavanja novih policijskih službenika s ciljem održavanja propisanog maksimuma radnih mjesta i operativnosti Policije.

(2) Odluku o utvrđivanju radnih mjesta za zapošljavanje policajaca i mlađih inspektora šef Policije donosi na osnovu podataka iz službenih evidencija koje dostavlja Jedinica za administrativno-finanjske i kadrovske poslove Policije.

(3) Procedura prijema i pohađanja osnovne obuke za kadete provodi se u skladu s odredbama ovog zakona, ali se radni odnos ne zasniva prije nego radno mjesto ne bude upražnjeno.“

Član 2

U članu 59 stav 1 i stav 3 tačka a) riječ: „slobodnih“ se briše.

U stavu 3 istog člana riječ: „upražnjenih“ se briše.

Član 3

U članu 67 stav 1 riječi: „po uspješnom završetku osnovne obuke“ zamjenjuju se riječima: „saglasno odredbama člana 53 stava 3 ovog zakona“.

Član 4

Član 79 mijenja se i glasi:

„Član 79.

(Čin glavnog generalnog inspektora i generalnog inspektora policije)

(1) Čin glavnog generalnog inspektora stiče policijski službenik koji je imenovan za šefa Policije, dok čin generalnog inspektora stiču policijski službenici imenovani za zamjenika i pomoćnika.

(2) Šef Policije, zamjenik i pomoćnik gube čin iz stava 1 ovog člana po prestanku obavljanja ovih

dužnosti, vraćaju se u čin glavnog inspektora i raspoređuju na radno mjesto koje odgovara navedenom činu, u Policiji.“

Član 5

U članu 80 stav 1 mijenja se i glasi:

„(1) Dodijeljeni čin se ne može oduzeti osim u slučaju prestanka obavljanja dužnosti šefa Policije, zamjenika i pomoćnika ili nakon prestanka radnog odnosa u skladu s ovim zakonom.“

Član 6

Ovaj zakon stupa na snagu osmog dana od dana objavljivanja u Službenom glasniku Brčko distrikta Bosne i Hercegovine.

Broj: 01-02-183/24

Brčko, 17. 1. 2024. godine

**PREDSJEDNIK
SKUPŠTINE BRČKO DISTRIKTA BiH
mr. sci. Siniša Milić**